

kvæmt ákvæðum 25. gr. laga nr. 7/1998, um hollustuhætti og mengunarvarnir, með síðari breytingum til þess að öðlast gildi þegar við birtingu.

Umhverfísráðuneytinu, 27. júní 2002.

F. h. r.

Ingimar Sigurðsson.

Sigurbjörg Sæmundsdóttir.

27. júní 2002

Nr. 460

SAMÞYKKT

um hundahald í Borgarfjarðarsveit.

1. gr.

Hundahald er bannað í Borgarfjarðarsveit að undanteknum þarfahundum á lögbýlum og hundum sem notaðir eru til leitar og björgunarstarfa, svo og aðstoðarhundum blindra og fatlaðra.

2. gr.

Hreppsnefnd er þrátt fyrir ákvæði 1. gr. heimilt að veita lögráða einstaklingum sem lögheimili eiga í sveitarfélaginu undanþágu til hundahalds með eftirfarandi skilyrðum:

- a) Hundurinn skal skráður á skrifstofu Borgarfjarðarsveitar, og þar fær eigandi hundsins afhenta númeraða plötu sem jafnan skal vera í ól um háls hundsins.
- b) Árlega skal hreppssjóði greitt leyfisgjald fyrir þá hunda, sem undanþágan er veitt fyrir og innifelur gjaldið ábyrgðartryggingu sem Borgarfjarðarsveit kaupir og auglýsta hundahreinsun. Gjaldið skal greitt samkvæmt gjaldskrá sem hreppurinn setur, að fenginni umsögn heilbrigðisnefndar. Við ákvörðun gjaldsins skal tekið mið af þeim kostnaði, sem leiðir af framkvæmd þessarar samþykktar. Gjöld mega aldrei vera hærri en sem nemur rökstuddum kostnaði við veitta þjónustu eða framkvæmd eftirlitsins með einstökum þáttum. Hreppurinn skal láta birta gjaldskrána í B-deild Stjórnartíðinda. Gjaldið skal í fyrsta sinn greitt við skráningu hunds og síðan með gjalddaga 20. febrúar ár hvert. Í gjaldskrá skal einnig ákveðið handsömunargjald, sbr. 2. gr. f-lið. Hafi gjaldið ekki verið greitt innan eins mánaðar frá gjalddaga er heimilt að afturkalla leyfið, svo og ef hreinsun hunda er ekki framkvæmd eftir ákvörðun hreppsnefndar.
- c) Hundurinn skal aldrei ganga laus á almannafæri, heldur skal hann vera í taumi eða í fylgd með aðila, sem hefur fullt vald yfir honum. Hundaeigandi skal gæta þess að hundur hans valdi ekki hættu eða raski ró manna eða verði mönnum til óþæginda á neinn annan hátt. Þá er umráðamönnum alltaf skylt að fjarlægja saur eftir hundinn nema á eigin lóð eða í úthaga. Skilyrði fyrir hundahaldi í samþýlishúsum, er að allir íbúðareigendur samþykki og skal leggja fram skriflegt samþykki þar um við skráningu hundsins. Eigi er leyfilegt að hafa með sér hunda þó í taumi séu inn í opinberar stofnanir, skólahús, matvöruverslanir eða aðra þá staði sem um ræðir í III.-V. og VII.-XV. kafla heilbrigðisreglugerðar nr. 149/1990 með síðari tíma breytingum, en þeir eru m.a. eftirfarandi:
 1. Vatnsveitur, vatnsból og verndarsvæði þeirra, brunnar og sjóveitur.
 2. Almennings- og útsalerni.

3. Hvers konar sorpgeymslur- og sorpförgunarstaðir.
 4. Gististaðir, veitingastaðir og matsölustaðir.
 5. Tjald- og hjólhúsasvæði, nema skv. ákvörðun umsjónaraðila.
 6. Húsakynni þar sem geymd eru, framleidd eða seld matvæli.
 7. Skólar, kennslustaðir, leikskólar og gæsluvellir.
 8. Rakarastofur, hárgreiðslustofur, hvers konar snyrti- og sólbaðsstofur.
 9. Heilbrigðisstofnanir, heilsuræktar- og íþróttastöðvar og baðstaðir.
 10. Samkomuhús hvers konar og almennar skrifstofur.
 11. Kirkjugarðar, bálstofur, líkhús og líkgeymslur.
 12. Almenn samgöngutæki.
- d) Hundaeiganda ber að hlíta að öðru leyti lögum og reglum er hundahald varðar, svo og fyrirmælum, sem heilbrigðisnefnd setur.
- e) Eigendum þeirra hunda sem undanþegnir eru banni við hundahaldi er skylt að skrá hunda sína sbr. a-lið og ábyrgðartryggja hunda sína hjá viðurkenndu tryggingafélagi. Þeir skulu einnig færa hunda sína til hreinsunar eftir ákvörðun hreppsnefndar og greiða kostnað við hana.
- f) Hundar á lögbýlum mega ganga frjálsir á landareign eigenda sinna. Að öðru leyti skulu slíkir hundar háðir ákvæðum þessarar samþykktar. Skylt er bændum á lögbýlum og eigendum hunda sem nefndir eru í b-lið hér að framan að sjá til þess að hundar þeirra séu ekki lausir á almannafæri.

3. gr.

Fyrir hönd Borgarfjarðarsveitar annast eftirlitsmaður á hennar vegum, framkvæmd og eftirlit með hundahaldi í hreppnum. Eftirlitsmaður getur leitað aðstoðar lögreglu, þegar þörf krefur en að öðru leyti starfar hann í umboði og undir eftirliti heilbrigðisnefndar við sín eftirlitsstörf.

4. gr.

Hundar úr aðliggjandi sveitum, sem ekki eru í fylgd með eigendum eða umráðamanni og ómerktir eru, svo og aðrir ómerktir flækingshundar skulu teknir úr umferð. Gefi eigandi sig ekki fram innan sjö sólarhringa hefur lögregla eða dýrlæknir heimild til þess að koma honum fyrir á nýju heimili eða lóga.

Merktir hundar á flækingi skulu einnig teknir úr umferð. Ef eigandi vitjar hunds eigi innan sjö sólarhringa og svarar ekki til saka um brot á samþykkt þessari, sé um slíkt að ræða, hefur lögregla eða dýralæknir heimild til að lóga hundinum án frekari fyrirvara.

Hunda, sem ráðast á menn eða skepnur, skal fjarlægja og þeim lógað þegar í stað.

Heilbrigðisnefnd fer með eftirlit með framkvæmd samþykktar þessarar.

Hreppsnefnd er heimilt hvenær sem er að afturkalla leyfi fyrir einstökum hundum eða öll veitt leyfi, telji hún þess þörf.

5. gr.

Framangreind samþykkt hreppsnefndar Borgarfjarðarsveitar staðfestist hér með samkvæmt 25. gr. laga nr. 7/1998, um hollustuhætti og mengunarvarnir, með síðari breytingum til þess að öðlast gildi þegar við birtingu.

Umhverfisráðuneytinu, 27. júní 2002.

F. h. r.

Ingimar Sigurðsson.

Sigurbjörg Sæmundsdóttir.